

УДАРНИК

ВКП(б)-лэн М-Пурга Райкомез-
лэн но Райсполкомлэн
органы
—(АДРЕС: М-Пурга УАССР)—

„Янгалиф“, колхозысь колхозник'ёслэн гужем сельскохозяйственной уж'ёсты быдэс'яны вылазы басьтэм ОБЯЗАТЕЛЬСТВОЗЫ

СССР-ысь наркомземлэсь, югысь но центрысь МТС-ёслэн профсоюззылэн ЦК-эзлэсь ю октон калтонэз ортчытон сярысь постановленизэ кылзыса ми „Янгалиф“ колхозысь колхозник'ёс но колхозницаос выламы таёе обязательствоос басьтиськом:

I бусы уж'ёс'я

- 1 Сизыыл кизенэз умой качествоен ортчытыны;
- а) 100 процент сортировать но протравливать карем кидысен 116 га выла, б) Семенной участок'ёсты кизенэз II категориялэсь ултй кидысэн кизено өвёл, в) 110 га выла рядовой кизен ортчытоно.
- 2 Зерновой но бобовой юосты октонэз-калтонэз но скирдовать каронэз умой качествоен 25 августозь быдтоно.
3. Зерновой но бобовой ю кутсанэз 10 октяброзь быдтоно, клевер кидыс вытерать каронэз 15 сентяброзь.
4. Семенной страховой фонд'ёсты кистонэз но накопить карон зег кидыс фондэз восстановить каронэз 1 октяброзь быдэстоно, етйн кидыс сузянэз но кистонэз 1 сентяброзь.
5. 1939 арын валэс ю кизён понна семенной участок'ёс вис'яно но йыбо пуктылоно, быдэсак со участок'ёсын лущение ортчытоно, та уж'ёсты 28 августозь быдэстоно, соин чош ик 1939 арын етйн кизыны участок'ёс вис'яно но туэ сизыыл культурной гырон ортчытоно, со уж'ёсты 15 сентяброзь быдэстоно.
6. Минеральной удобрени нуллыны тупатэм планэз 1 сентяброзь нуллыса быдтоно но суперфосфат сяназэ во-чак сизыыл гырон улэ поттоно.
7. 1939 арлы валэс ю кизыны сизыыл лымы улэ гыронэз, сизыыл кыед поттон планэз тырмытыса но сое заделать карыса 15 сентяброзь быдэстом.
8. Етйн вёлдонэз 25 августозь быдтоно.
9. Етйн переработать каронэз но государстволы сётонэз 1 нояброзь быдэстоно.
10. Государстволы хлебопоставка сётонэз, ссуда берыктон'ёсты но натурплата тыронэз 100 процентлы 15 сентяброзь быдэстоно, озы ик етйн кидыс сётонэз но.

II пудо вордон'я

1. Ваньзэ скалтэм колхозник'ёсты 1938 аре 1 сентяброзь скалэн яке кунянэн обеспечить карыны.
 2. Кормовой план'я учкем фуражез ваньзэ 1938 аре 15 октяброзь старшой конюхлы но МТФ-лэн заведующийезлы сдать карса быдэстоно.
 3. Силосованилэсь но веточной корм бичанлэсь планэз 15 октяброзь быдэстоно.
 4. Стойловой периодлы дасяськонэз 10 октяброзьлы быдэстоно.
- Социалистической соревнованиез паськыт вёлмытыса, выламы басьтэм обязательствоосмес сроказ но умой качествоен гинэ быдэс'ялом, М-Пурга районысь вань колхоз'ёсты милесьтым пример басьтыса ужаны отиськом.
- „Янгалиф“ колхозысь колхозник'ёслэн общей собранизы та обязательствооз подписать карыны таёе колхозник'ёслы доверять каре.
1. Минагулов, 2. Деветняров, 3. Искаков, 4. Юсупов, 5. Каримов, 6. Мухамадзянов, 7. Гадршин, 8. Минагулова, 9. Деветняров, 10. Минагулов, 11. Искаков, 12. Губайдуллина, 13. Минагулова но Мукет'ёсыз.

Етйн кутсан но вёлдон быдтэмын

Буран сельсоветысь „Квадашур“ колхоз етйн вёлдонэз быдэстиз. Етйн звеноын колхозник'ёс пушкын агитмассовой уж умой организовать каремын вал. Звеновод Байсарова Вера Д. ачиз беседаос, шара лидзон'ёс ортчыт'яз

Та звеноын стахановкаос Деятова Анна А., Байсарова Вера С., Яковлева Е. С., Занчарова Е. П., Байсарова О. М., Акилова А. А., но Байсарова Ф., нормазэс 400 процент дорозь быдэс'язы.

Тунтарев Занчаров

Хасан озеролэн районаз событиос сярысь

СССР-лэн но Японилэн военной представительёссылэн нырысь пумиськонзы дыр'я, 11 августэ та арын, СССР-лэн военной представительёсыныз заявить ка емын вал, что 11 августэ 13 ч с но 30 минутын (местной дырын) боевой действюсты дугдытэм шоры учкытэк, японской войскоослэн частысь перемирие сярысь соглашениез нарушить кариз но, перемириеиен воспользоваться кариськыса, 100 метрлы азылань мынйз но Заозерной (Чанкуфын) высоталэн северной скатэзлэсь частэз занять кариз.

СССР-лэн военной представительёссылэн протесты шоры но японской войскоасты асьсэлэн азыло позициясыз чик жегатскытэк отвести карон сярысь требованиосыз шоры учкытэк, японской военной представительёс та законной требованиез быдэстонлэсь категорически отказать кариськызы. Соин сэрэн, что возматэм участокин кыкнаезлэн ик сторонослэн войскоосы 4-5 метрозь матэ вуизы но любой минуте вооруженной столкновение нош ик стихийно возникнуть карыны быгатысал, кыкна сторонослэн ик военной представительёсы интыын обоюдно решить каризы та участокин кыткуд стороналэсь войскоосэ 80 метрлы берлань чигнатыны. Та сярысь донесениез басьтэм бере Дальний Востокысь советской командование перемирие сярысь заключить карем соглашенилэн соответствиез'я сётыз распоряжение асьмелэн частьёсмылэн азыло занимать карон позициясы, куд'ёссэ соос занимать каризы 24 часын 10 августэ, чик жегатскытэк берытскыны, соин чош ик японской представительёслэсь японской войскоасты отвести карон сярысь требованиез вераса. Та распоряжение асьмелэн командованиенымы соку ик быдэстэмын вал.

Соин чош ик иностранной ужпум'ёс'я Народной Комиссар Литвинов эш Японилэн посолэзлы г.

Сигемицулы японской войскоосын перемириеиз нарушить каремзы сярысь вераз но та участокин соосты ичизэ 100 метрлы отвести карыны кось. Предупредить кариз, что со быдэстэмын өз ке луы, соку СССР-лэн правительствеоз считать кароз Японилэн виноватэныз перемириеиз нарушить киремен.

Та дырлы японской войскоос выль верам пунктысь отвести каремын.

12 но 13 августэ нош ик состояться кариськыиз СССР-лэн но Японилэн военной представительёссылэн пумиськонзы, куд'ёсыз уточнить каризы кыкна ласянь сторонослэн войскоосылэсь расположенизэс.

Озы ке но, СССР-лэн военной представительёссылэн, кыкна ласянь ик войскоослэсь расположенизэс фиксировать карись, протоколэз но к ртаез подписать карыны предложенизылы, японской военной представительёс сое лэсьтэмлэсь отказать кариськызы, вераса, что соос возмало асьсэлэн высшой начальствозылэсь указаниоссэ но, что наверно, та ужез быдэстон понна лыктоз мукетыз тужгес авторитетной комиссия.

Таин кыкна стороналэн ик военной представительёссылэсь люкиськызы.

14 августэ выль пумиськон'ёс ой вал.

Конфликтлэн р йоназ али спокойно.

13 августэ японской военной представительёслэн предложенизья но СССР-эн военной представительёссылэн согласизья со тояться кариськыиз столкновениос дыр'я бырем шойёс'ты кыктэтйзэ воштон.

Командованилэн лид'ямез'я советской сторона вылын вием'ёс 236 мурт но ранить карем'ёс 611 мурт. Асьмелэн командованимылэн лид'ямез'я японской войскоослэн ыш'тон'ёссы достигать каро 600 мурт пала виам'ёс но 2500 мурт пала ранить карем'ёс. (ТАСС).

Пудо гордон ужен уг кивалто

Асьме районысь куд-ог колхоз'ёсын пудо вордон уж аналтэмын. Колхоз председательёс пудо вордон ужен кивалтонлэсь палэнско. „Юлтош“ колхозлэн парсь вордон фермаез нюлэскын колхозлы 8 километр, татчы колхоз председатель Шалаев ноку но уг ветлы, со фермалэсь кыёе состояниез уг тоды, со вопросэн интересоваться но уг кариськы. Ферма районной центрлы 5 километр гинэ, озы ке но Райзолэн зоотехник'ёсыз отчы уг вуыло.

Туэ 32 маткалэсь 248 парсьлы басьтэмын ни, нош соос пöлысь тросэз пöртэм висён'ёсын кулылызы. Али парсьпиос мбйы парсьёсын огазын липеттэм коргидын нöдын уло.

Татын свинарник куашкамын, трос тупат'яны кулэ, нош колхоз правлени ужась уг вис'я, зав. фермойлэсь ужась куремзэ кылэм но

уг кары. Сизыыл вуэ ни парсьёсты толйытон инты дась өвёл.

Колхоз правлени та нунал'ёсы парсь гид дасянылы но кыёе ужрад өз ке кут парсьёс лымы улын тол'ёно луозы.

М-Пурга сельсоветысь „Выль гурт“ колхозын но уж урод. Татын птице ферма вань заведующийез өвёл, учет нокин но уг нузы, чипыос тросэз кулса быризы ни сое тодысь өвёл.

Та колхозын вал'ёс бордын но обезличка кылдытэмын, старшой конюх өвёл, рядовой конюх'ёс нуналлы быдэ вош'ясько. Стойлаос уг сузясько, вал'ёс нöдын уло. Конной двор куашкамын, сое тупат'ись өвёл, колхоз правление вал'ёсын интересоваться уг кариськы.

Райзолы пудо вордон ужен кивалтонэз умой пуктоно, пудоосты толйытыны дасяськонын тырмымтэ интыосты жоген палэнтоно.

Калистратов.

„Н-209“ самолетлэн экипажез сярсы правительствонной ивортон

Ар талэсь азьвил, 12 августэ 1937 арын, Советской правительствонной разрешениез, Советской Союзлэн героез летчик С. А. Леваневский „Н-209“ ныйль мотор’ем самолетэн полюс вамен Москваысен Северной Америкае лобзыны кутскиз. Перелетлэн целеныз, Чкалов но Громов эш’ёслэн, со арын ик совершить карем блестящей перелет’ёсы бере Северной полюс вамен Северной Америкае почтово-пассажирской типо самолетэн связь тупатонез испытать карон вал. „Н-209“ самолетлэн экипажез куать мурт вал: С. А. Леваневский—самолетлэн командирез, Н. Г. Кастанаев—пилот, В. И. Левченко—штурман, Г. Т. Побежимов но Н. Н. Годовиков—механик’ёс, Н. Я. Галковский—радист.

Полет туж секыт метеорологической условиосын ортчиз, уката ик Ледовитой океан вадьсыт. Идэя кинмыса Чоктаскемелэсь кышкаса, летчик’ёс вылын лобзоно луизы, но отын но пилем’ёс пöльсь öз поталэ. 13 августэ 13 час но 40 минутэ „Н-209“ самолет Северной полюс вамен ортчиз, нош 14 час но 32 минутэ, мотор’ёс пöльсь одигез дугдиз шуыса самолетлэн бортысьтыз радиограмма сётэмын вал. Та обстоятельство самолетэз улын мынны косьз но, йöз кинмыса самолетлэн Чоктаскемелэсь кышкытэс будэтйз.

Та бордысен самолетэн связь дугдиз. Трос полярной но мукет радиостанциос сое вискарытэк эскеризы. Озы ке но „Н-209“ самолетлэн станциезлэн ужамез шедьымтэ вал.

Компетентной специалист’ёслэн мнениоссыя, вань обстановка указывать кариз солы, что омырын катастрофа луиз но самолет пуксьытэк пазыгискиз дыр шуыса малпазы. СССР-лэн правительствеоз „Н-209“ самолетлэсь экипажез, солэн перелет’ёслэн вань трассаез, СССР-лэн бере’ёсысенез но, озы ик Аляска но Северной Канадалэн бере’ёсысенез утчан организовать кариз. Утчан’ёс дыр’я Северной полюс дорожь кык полет, Америка пала перелетлэн вань трассаез уно полет’ёс, Франц Иосифлэн муз’ем вылысенез Гренландия пала полет (кытчы самолетлэсь кылем’ёссэ дрейф отнести карыны быгатоз) но мукет полет’ёс лэсьтэмын вал. Полет’ёс ноки-

че результат’ёс öз сётэ. „Н-209“ самолет шедьымтэ вал.

Правительство Советской Союзлэн геройёсызлэсь—летчик’ёслэсь но полярной исследовательёслэсь—азыланьзэ утчанлэсь луонлыкэс но кулэлыкэс юаз. Соослэн единодушной мненизья, азыланьзэ утчан’ёс успехлы ноки’ёс шанс’ёс уз сётэ ни. „Н-209“ самолетлэсь экипажез быремен ляд’яно.

Таин сэрэн СССР-лэн Совнаркомез „Н-209“ самолетэз азыланьзэ утчамысь дугдыны постановить кариз.

СССР-лэн Правительствеоз вань советской калыкен Чош, асьмелэн дуно эш’ёсмылэн, мужественной советской летчик’ёслэн—Леваневский, Кастанаев, Левченко, Побежимов, Годовиков но Галковский эш’ёслэн быременызы жоже усемез разделять каре но соослэн семьяоссылы аслэсьтыз мур соболезнованизэ выражать каре.

Правительство постановить кариз:

1. Леваневский, Кастанаев, Левченко, Побежимов, Годовиков но Галковский эш’ёслэсь памятьсэс увековечить карон понна Москва городын памятник пуктоно.

2. Присвоить кароно: Николаев городысь летчик’ёслэн морской школазылы но лэсьтись кись леодокольной пароходлы Леваневский эшлэсь нимзэ присвоить кароно;

22 номеро заводлэн аэродромезлы но летно-испытательной станцилы—Кастанаев эшлэсь нимзэ присвоить кароно;

Балтийской флотысь авиационной полкылы—Левченко эшлэсь нимзэ присвоить кароно;

Главсевморпутьлэн Красноярскысь авиаремонтной заводезлы—Побежимов эшлэсь нимзэ присвоить кароно;

НКОП-лэн Москваысь авиационной техникумезлы—Годовиков эшлэсь нимзэ присвоить кароно;

Главсевморпутьлэн Якутской радиоцентрезлы—Галковский эшлэсь нимзэ присвоить кароно;

Правительство „Н-209“ самолетлэн экипажезлэн бырем член’ёсызлэн семьяоссылы повышенной размерен пенсия сётэны но бырем’ёслэн семьяоссылы быдэн 20 сюрс манет единовременной пособие сётэны постановить кариз.

(ТАСС).

Польской полицилэн наглой провокациез

ВАРШАВА, 13. Польшаны советской правительствеослэн со рудник’ёсы вылэ польской полицилэн бесчинствоосыз продолжаться кариське на. Та берпум кунь нунал’ёс кустын полпредствоын но торгпредствоын ужасьёс, служебной помещениысьтызы потыкузы арестовать карисько но полицейской участок’ёсын часэн-часэн возисько. Вань арестованнойёсыз трос пол допрашивать карыло. Задержать карем’ёслэсь фамилизэс но нимзэс гинэ гожтэм протоколэ гожкыны куро. Сотрудниклэсь кыче мар ужамзэ, солясь специальностьэ юало. Родственник’ёс сярсы, полпредэн, торгпредэн кустын возён но мукет сярсы юаллясько. 11 августэ торгпредлэн дипломатической машинаез кутэмын вал. Шофер арестовать карса участоке келямын. Машина ульчае куштэмын но отын ик сылэ на. 12 августэ со-

ветской военной атташелэн дипломатической машинаез вылэ, кудйз государственной флаг улын мынэ ва”, полпредство дорыч сямэн ик, полиция нападени лэсьтйз. Шофер машинаысь кужмысь потыса арестовать каремын. Машина ульчае шоры кельтэмын. Военной аташе но полпредстволэн нырысь секретарез полицией койёслэн та’е акт’ёсы международной отношениослэн элементарной правилоослы противоречить каре но СССР-лэн государственной флагеэн достоинствооз ултяське шуыса веразы. Та’е замечанылы полицейскойёс нахальное веразы, что соосыз та вопрос’ёсын интересоваться кариськыны öз дышетэ, нош международной правосярсы валан соослы тодмо öвёл. Полпредстволэн но торгпредстволэн сотрудник’ёсыз внешней улонез нормально герзаськыса улонлэсь лишить каремын.

СССР лэсь обороназэ юнматон

Шуй городын (Ивановской области) ОАХ-лэн райсоветэзлэн Ворошиловской садник’ёслэн клубазы городысь портэм предприятиосысь егит’ёс дышетско.



Суред вылын: Ворошиловской садник’ёслэн клубызы членез Фрунзелэн нимыныз нимам заводлэн ФЗУ-аз дышетскис Федоров, областной конно-спортивной соревнованиын кык жетон басытйз. Строкылэн фотоз („Прессклише“)

Асьмелэн Красной Армиы котьку дась

Красной Армиысь гожтэм

Дуно эш’ёс! Тиледлы мон ытисько пöсь Красноармейской привет! Призывник эш’ёс, дасяське призывлы умой показателёсын, быдэсьялэ асьме партиялэсь, правительстволэсь но лично асьме яратоно вождьмылэсь Сталин эшлэсь заданиосэс.

Мынам тиледлы аслам улэме сярсысь кöньяке вераме потэ на. Тани мон Красной Армиелэн радаз 10 толэзь улёсько ни, та дас толэзь улытозам мон весь школаын дышетскисько младшой командире.

Политической но боевой подготовкаиын умой дышетскеме понна, командованилэсь 7 благодарность басытй ни. 1938 арлэн апрель толэяз монэ Ленинской комсомолэ пыртйзы.

Красной Армиелэн радаз мон асьме ачим чувствовать карисько, аслам родной гуртам кадь ик, мон физически но культурно азьвил сярсысь туж вылэ жутски ни.

Мон любой минутэ дась враглы сокрушительной отпор сётэны,

если враг туртскиз ке нападать карыны асьме шулдыр но мöзмонтэм родинамы вылэ.

Гуртам кылем братэ, Мартынов Григорий призывез весь возьма ни, со мыным озыы гожтэ:—Мон Дальний востоке мыно, асьмеос соку умой служить каром тон асьме страналэсь шунды жуван границазэ, нош мон нуназе пал границазэ защищать каром.

Мон дышетскисько школаын, ас вылам обязательство басытисько, чтобы луыны полноценной младшой командире.

Асьмелэн Советской родинамылы пумит фашистской пуныос пиньзэс шеро. Асьмелэн родинамы вылэ парсь нырзэс чуртнаны туртто. Фашист’ёслэн та малпамзы юнме гинэ луоз, Советской родиналы пумит жутйськиз ке, асьмелэн Красной Армиы вунэтонтэм отпор сётэны дась.

Красноармеец С. Мартынов
„Юн-Пурга“ колхозысь.

Уром совхозын адямиослы сан öвёл

Уром совхозлэн Решетниковской участказ вуж сям’ёс пото на. Удмурт’ёсты но кышномурт’ёсты ултяса возё.

Алигес старшой конюхез, рабочи Ворончихин „саврасой мышь“ шуса обзывать кариз. Солэн та случай гинэ öвёл, чем дыр’я сы’ёс кыл’ёсыз потылэ.

Татын кышномурт’ёсын но издеваться кариськыло. Коробова

нылпи вёно вал, бригадир Чайников сое тодыса вылысь весь секыт ужын ужатйз. Уже уг ке пот Чайников сое конторае öтыса тышкаськылйз. Озы со 11 августозь указ но, 11 августэ висыны усиз, со нунал ик больницае мыныса нылпи куштйз.

Тини озы ужасьёсын издеваться карисько.

Поттысь—РАЙСПОЛКОМ редактор—Г. М. Иванов.

Я л о н’ё с

М-Пургинской „Райлесзаг“ вань районной организациослы ивортэ, что азыланьзэ вэньмыз дасям лесопроизводчиоз УАССР-ысь „Лесзаг“ трестысь б’эсьтэм наряд’я гинэ лэзиськоз на. Заявкеос 25 нунал азьвил „Райлесзаг“ пыр лэзисько. 15 августозь заключить карем договор’ёс кужымен кылё.

Райлесзаг.

Виль почтовой отделение усьтэмын

Яган по елокын виль почтовой отделение вань почтовой операциосты лэсьтоз.

„Дом работница“ нянька кулэ
Яганской лесхозлэн инженерезлы (Яган поселокуын улэ) Веретениковлы обратиться карисько.